

ააიპ „ქუთაისის ბაგა-ბაღების გაერთიანება“

ქალაქ ქუთაისის ბაგა-ბაღების გაერთიანების ფილიალებში სარემონტო
სამუშაოების შესყიდვა
გამარტივებული ელექტრონული ტენდერი
CPV-45442180

სატენდერო დოკუმენტაცია

ქ. ქუთაისი

2016 წელი

ს ა რ ჩ ე ვ ი

1. ინსტრუქცია ტენდერში მონაწილეთათვის.
2. შესყიდვის ობიექტის ტექნიკური დავალება.
3. აუცილებელი მოთხოვნები პრეტენდენტთა მიმართ.
4. სხვა პირობები.
5. პრეტენდენტის მიერ სისტემაში ასატვირთი მონაცემები.
6. ხელშეკრულების პროექტი.
7. დანართი №1 - რეკვიზიტები.
8. დანართი №2 - ხარჯთაღრიცხვა.
9. დანართი №3 - გეგმები და ნახაზები.
10. დანართი №4 - გამოცდილება.

1. ინსტრუქცია ტენდერში მონაწილეთათვის

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია

წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა)

ატვირთული ყველა დოკუმენტი ან/და ინფორმაცია ხელმოწერილი ან/და ბეჭედასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია

სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია, წერილობითი მიმართვის შემთხვევაში. ქ. ქუთაისი, რუსთაველის #1. საკონტაქტო პირი:

გიორგი გვანცელაძე - 579 485656;

2. საკვალიფიკაციო მონაცემები

არ მოითხოვება

3. შესყიდვის ობიექტის ტექნიკური დავალება

3.1.1 შესყიდვის ობიექტია ქალაქ ქუთაისის ბაგა-ბაღების გაერთიანების ფილიალებში (21 ობიექტი) სარემონტო სამუშაოების შესყიდვა, რომლებიც უნდა განხორციელდეს სატენდერო დოკუმენტაციის დანართებში მოცემული ხარჯთაღრიცხვებისა და ნახაზის შესაბამისად.

3.1.2 სამუშაოების სრული ჩამონათვალი და მოცულობა იხილეთ სატენდერო დოკუმენტაციის დანართი N2-ის სახით, რომელიც ცალკე ფაილად ატვირთულია ელექტრონულ სისტემაში (იხ. სატენდერო დოკუმენტაციის დანართი #2, ექსელის ფაილი შიტებითურთ).

3.1.3 შესყიდვის ობიექტის ნახაზი ატვირთულია სისტემაში სატენდერო დოკუმენტაციის დანართი N 3-ს სახით.

3.1.4 სამშენებლო სამუშაოები უნდა განხორციელდეს მშენებლობის უსაფრთხოების წესების მოთხოვნათა სრული გათვალისწინებით.

4. სამუშაო ადგილის მომზადება და ნარჩენებისაგან გასუფთავება:

4.1 შემსრულებელი პასუხისმგებელია სამუშაოსათვის გამოყოფილი ადგილის გამოყენებაზე და სამუშაოების დასრულების შემდეგ გარემოს საჭირო და სათანადო აღდგენაზე;

4.2 მინიმუმამდე დაიყვანოს სამუშაოებით გამოწვეული ხმაურის და მტერის გავლენა.

4.3 სამუშაოების დასრულების შემდეგ შემსრულებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, დროებითი ნაგებობებისაგან, ნარჩენებისაგან და ა.შ.

5 შესრულებული სამუშაოების გარანტია:

5.1 შესრულებულ სამუშაოზე გავრცელდება საგარანტიო ვადები სამუშაოების დასრულებიდან 3 (სამი) კალენდარული წლის განმავლობაში. საგარანტიო ვადების განმავლობაში, მიმწოდებელი ვალდებული იქნება შემსყიდველის მიერ განსაზღვრულ გონივრულ ვადაში, აღმოუხვრას ყველა ის დაზიანება, რომელიც გამოვლინდება შესრულებულ სამუშაოებზე, გარდა ისეთი ხარვეზებისა, რომლებზეც მიმწოდებელი წარმოადგენს მოტივირებულ არგუმენტს, რომ ხარვეზი არ არის გამოწვეული შესრულებული სამუშაოების წუნით;

5.2 დადგენილ ვადებში ხარვეზის აღმოუხვრელობის შემთხვევაში, მიმწოდებელს დაეკისრება პირგასამტეხლო ხელშეკრულებით დადგენილი წესით.

6. აუცილებელი მოთხოვნები პრეტენდენტთა მიმართ:

6.1 პრეტენდენტს შესრულებული უნდა ჰქონდეს ანალოგიური შინაარსის სამუშაოები (შენობის სარემონტო სამუშაოები) მიმდინარე წლის (დასრულებული ხელშეკრულებები) და ბოლო 3 (სამი) წლის განმავლობაში ღირებულებით არანაკლებ 140 000 (ასორმოცი ათასი) ლარისა, რაც უნდა დაადასტუროს და ერთიან ელექტრონულ სისტემაში უნდა ატვირთოს ხელშეკრულებები და შესაბამისი მიღება-ჩაბარების აქტები. გამოცდილების დამადასტურებელი დოკუმენტაცია, შენაკრები ფორმის სახით პრეტენდენტის მიერ უნდა შეავსოს სატენდერო დოკუმენტაციის დანართ N 4-ში

7. ანგარიშსწორების პირობები იხილეთ ხელშეკრულების პროექტში;

8. შესყიდვის ობიექტის მიღება-ჩაბარების წესი იხილეთ ხელშეკრულების პროექტში;

10. სამუშაოები სავალდებულოა დასრულდეს ხელშეკრულების გაფორმებიდან 50 (ორმოცდაათი) კალენდარული დღის განმავლობაში, რომელი ვადის მიხედვითაც, პრეტენდენტი ხელშეკრულების გაფორმებამდე შემსყიდველს შესათანხმებლად წარუდგენს შესასრულებელი სამუშაოების გეგმა-გრაფიკს, რომელიც მხარეთა ხელმოწერის შემდეგ გახდება ხელშეკრულების განუყოფელი ნაწილი;

11. პრეტენდენტის მიერ სისტემაში ასატვირთი მონაცემები:

8.1. რეკვიზიტები დანართი №1-ის შესაბამისად.

8.2. სამუშაოების ხარჯთაღრიცხვა დანართი №2 - ს შესაბამისად (იხ. ელექტრონულ სისტემაში მიმაგრებული ფაილი სახელწოდებით დანართი №2-ხარჯთაღრიცხვა)

8.3. სატენდერო დოკუმენტაციის მე-6 მუხლით განსაზღვრული ანალოგიური სამუშაოს შესრულების გამოცდილების დამადასტურებელი დოკუმენტაცია.

12. სხვა პირობები:

იმ შემთხვევაში, თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, „პრეტენდენტი“ ვალდებულია წარმოადგინოს მის მიერ ნაჩვენები საბოლოო ფასის ხარჯთაღრიცხვის საექსპერტო დასკვნა, თუ რამდენად შესაძლებელია აღნიშნული თანხით ტენდერით გათვალისწინებული სამუშაოების შესრულება (საექსპერტო დასკვნა წარმოდგენილი უნდა იქნას მოთხოვნიდან 3 (სამი) სამუშაო დღის ვადაში). ზემოხსენებული ექსპერტიზის დასკვნის წარმოდგენლობა გამოიწვევს შესაბამისი მიმწოდებლის დისკვალიფიკაციას;

13. პროექტისა და ხარჯთაღრიცხვის იმ ნაწილში სადაც მოცემული იქნება შესასყიდი მასალებისა და მოწყობილობის სასაქონლო ნიშანი, მოდელი, წარმოშობის წყარო ან მწარმოებელი, იგულისხმება „მსგავსი“ ან „ეკვივალენტური“.

14. ხელშეკრულების პროექტი:

წინამდებარე სახელმწიფო შესყიდვის შესახებ ხელშეკრულების პროექტი შესაძლებელია შეიცვალოს და საბოლოო სახეს მიიღოს სატენდერო წინადადების შესაბამისად.

იმ შემთხვევაში, თუ პრეტენდენტი ხელშეკრულების დადების მომენტისათვის იქნება რეგისტრირებული თეთრ სიაში, ხელშეკრულებაში აისახება ყველა ის დებულება, რასაც ითვალისწინებს სახელმწიფო შესყიდვების მარეგულირებელი კანონმდებლობა.

ხელშეკრულება სახელმწიფო შესყიდვის შესახებ №

ქ. ქუთაისი

2016 წ.

ხელშეკრულების დადების საფუძველია ქალაქ ქუთაისის მუნიციპალიტეტის ააიპ ბაგა-ბაღების გაერთიანების მიერ ჩატარებული გამარტივებული ელექტრონული ტენდერი №

1. ხელშეკრულების დამდები მხარეები

ერთი მხრივ, ქალაქ ქუთაისის მუნიციპალიტეტის ააიპ ბაგა-ბაღების გაერთიანება, შემდგომში „შემსყიდველი“, მისი დირექტორის ნანა ლორთქიფანიძის სახით და მეორეს მხრივ _____, (შემდგომში „მიმწოდებელი“) წარმოდგენილი მისი დირექტორის _____ სახით, (მისამართი: _____), სახელმწიფო შესყიდვების შესახებ კანონის და პრეტენდენტის (მისი დასახელება) სატენდერო წინადადების საფუძველზე, ერთმანეთს გადამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. შესყიდვის ობიექტი და კლასიფიკატორის კოდი

1.1 შესყიდვის ობიექტია: ქალაქ ქუთაისის ბაგა-ბაღების გაერთიანების ფილიალებში სარემონტო სამუშაოები, რომლებიც უნდა განხორციელდეს სატენდერო დოკუმენტაციის დანართებში მოცემული ნახაზების, ხარჯთაღრიცხვების და წინამდებარე ხელშეკრულების შესაბამისად, სატენდერო დოკუმენტაციისა და სატენდერო დოკუმენტაციის შესაბამისი დანართების მიხედვით, რომლებიც წარმოადგენენ ამ ხელშეკრულების განუყოფელ ნაწილს.

1.2 კლასიფიკატორის კოდი: (CPV-45442180)

მუხლი 2. ხელშეკრულების ღირებულება

2.1. ხელშეკრულების ჯამური ღირებულება შეადგენს _____ ლარს.

2.2. ხელშეკრულების ღირებულება მოიცავს სამუშაოების სრულყოფილ შესრულებასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახადს და კომუნალურ გადასახადებს (მოხმარებული ელექტროენერგია, წყალი, გაზი).

2.3. მხარეები ანგარიშსწორებას ახორციელებენ ეროვნულ ვალუტაში ამ ხელშეკრულებით გათვალისწინებული საბანკო რეკვიზიტების შესაბამისად, უნაღლო ანგარიშსწორების ფორმით.

2.4 დაფინანსების წყარო: ადგილობრივი თვითმმართველი ერთეულის ბიუჯეტი.

მუხლი 3. ხელშეკრულების შესრულების კონტროლი

3.1. შემსყიდველი უფლებამოსილია სამუშაოების შესრულების პარალელურად მოახდინოს სამუშაოების შემოწმება მიმწოდებლის მიერ წარმოდგენილი მშენებლობის კალენდარული გეგმა-გრაფიკის, ხარჯთაღრიცხვის და ნახაზების შესაბამისად, რომლის მიზანია მათი შესაბამისობის დადგენა ხელშეკრულებითა და სატენდერო დოკუმენტაციით გათვალისწინებულ პირობებთან, რისთვისაც შემსყიდველის მიერ გამოყოფილ იქნება პირთა ჯგუფი.

3.2. შემოწმების ან/და ვიზუალური დათვალიერების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით ან/და კომუნიკაციის თანამედროვე საშუალებით აცნობებს მიმწოდებელს ნაკლის ან დეფექტის მქონე სამუშაოების ან/და გამოყენებული მასალების შესაბამისი მიზეზების მითითებით.

3.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

3.5. შემსყიდველს უფლება აქვს განახორციელოს ტექნიკური ზედამხედველობა, მშენებლობის ნებისმიერ მომენტში შეამოწმოს გამოყენებული მასალებისა და სამუშაოების შესრულების ხარისხი. იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტებისა და წინამდებარე ხელშეკრულების შესაბამისი, შემსყიდველი უფლებამოსილია შეაჩეროს სამშენებლო სამუშაოების წარმოება და აკრძალოს შეუსაბამო მასალების

გამოყენება.

მუხლი 4. სამუშაოების შესრულების ვადები

4.1. სამუშაოები სავალდებულოა დასრულდეს ხელშეკრულების გაფორმებიდან 50 (ორმოცდაათი) კალენდარული დღის განმავლობაში, ხელშეკრულების დანართი N 1-ს (გეგმა-გრაფიკი) მიხედვით.

4.2. შესრულებული სამუშაოების ექსპერტიზისათვის საჭირო ვადები არ განიხილება სამუშაოების შესრულების ვადებად.

მუხლი 5. თანმდევი მომსახურება

მიმწოდებელმა სამუშაოების დასრულების შემდეგ, თავისი ძალებითა და სახსრებით უნდა გაათავისუფლოს სამუშაო ადგილი სამშენებლო მოწყობილობა-დანადგარებისაგან, დროებითი ნაგებობებისაგან, ასევე სამშენებლო ნარჩენებისაგან.

მუხლი 6. შესყიდვის ობიექტის მიღება-ჩაბარების წესი

6.1. შუალედური/საბოლოო მიღება-ჩაბარება მოხდება სამუშაოების გარკვეული ეტაპის/საბოლოო დამთავრების შემდეგ მიმწოდებლის მიერ ტექნიკური პირობების, მოქმედი სამშენებლო ნორმებითა და წესებით განსაზღვრული აქტების (ფორმა N2, ფარული სამუშაოების ჩატარების აქტი (ფარული სამუშაოების

შესრულების შემთხვევაში)) წარმოდგენის შემდეგ, საქართველოში მოქმედი კანონმდებლობით დადგენილი წესით. „მიმწოდებელი“ ვალდებულია ჩაატაროს ექსპერტიზა აკრედიტირებულ საექსპერტო ორგანიზაციაში, შესრულებული სამუშაოს ხარისხზე, მოცულობასა და ფასებზე - სამუშაოს საბოლოო მიღება-ჩაბარების დროს, რომლითაც დადგინდება შესრულებული სამუშაოების შესაბამისობა წინამდებარე ხელშეკრულებასთან და სატენდერო დოკუმენტაციასთან (თანდართულ ნახაზებთან, ესკიზებთან და სპეციფიკაციებთან).

6.3. სამუშაოების მიღების ყოველი ეტაპის და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.4. ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს შემსყიდველის მხრიდან წარმოადგენენ შემსყიდველი ორგანიზაციის შესაბამისად უფლებამოსილი პირები.

მუხლი 7. გარანტია

7.1. მიმწოდებელი იძლევა გარანტიას, რომ სამუშაოები განხორციელდება სამშენებლო ნორმებისა და სტანდარტების და მის მიერ წარმოდგენილი ტექნიკური დოკუმენტაციით განსაზღვრული პირობების შესაბამისად;

7.2. წინამდებარე ხელშეკრულების შესაბამისად შესრულებული და ჩაბარებული სამუშაოების საგარანტიო ვადები შეადგენს სამუშაოების დასრულებიდან/საბოლოო მიღება-ჩაბარებიდან 3 (სამი) კალენდარულ წელს.

7.3. საგარანტიო ვადის განმავლობაში მიმწოდებელი ვალდებულია შემსყიდველის მიმართვის შემდეგ გონივრულ ვადაში საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა, წინააღმდეგ შემთხვევაში მიმწოდებლის მიმართ განხორციელდება ხელშეკრულებით ვალდებულებათა შესრულების ვადაგადაცილებისათვის გათვალისწინებული ღონისძიებები. თუ მიმწოდებელი ჩათვლის რომ გამოვლენილი დაზიანებები გამოწვეული არ არის შესრულებული სამუშაოების წუნით, ამის შესახებ უნდა წარმოადგინოს აღნიშნულის დამადასტურებელი არგუმენტაცია.

მუხლი 8. ანგარიშსწორება

8.1 ანგარიშსწორება განხორციელდება ეტაპობრივად, „მიმწოდებლის“ წერილობითი მომართვის საფუძველზე;

7.2 „მიმწოდებლის“ წერილობით მომართვას ანგარიშსწორების თაობაზე უნდა დაერთოს:

- ა) ინსპექტირების ჯგუფის დასკვნა,
- ბ) ფაქტიურად შესრულებული სამუშაოს მოცულობა და ღირებულება,
- გ) ფაქტიურად შესრულებული სამუშაოს შესაბამისად მიღება-ჩაბარების აქტი,
- დ) ექსპერტიზის დასკვნა - სამუშაოს საბოლოო მიღება-ჩაბარების დროს,
- ე) შესრულებული სამუშაოს შესაბამისად ამოწერილი დ.დ.გ-ს ანგარიშთაქტურა.

7.3 ანგარიშსწორების ფორმა იქნება უნაღდო (ლარებში).

7.4 ანგარიშსწორება მოხდება ეტაპობრივად, ფაქტიურად შესრულებული სამუშაოების შესაბამისად, სათანადო დოკუმენტების წარმოდგენიდან 10 (ათი) სამუშაო დღეში.

7.5 „მიმწოდებელი“-ს მოთხოვნით, მხარეთა შორის 20%-ის ფარგლებში წინასწარ ანგარიშსწორებაზე მიღწეული შეთანხმების შემთხვევაში, „მიმწოდებელმა“ უნდა წარმოადგინოს მხოლოდ საბანკო დაწესებულების მიერ გაცემული გარანტია სააგანსო გადახდის თანხაზე, რომლის მოქმედების ვადა 1 (ერთი) თვით უნდა აღემატებოდეს სამუშაოების დასრულების ვადას.

მუხლი 9. ხელშეკრულებაში ცვლილებების შეტანა

9.1. ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორების გარდა.

9.2. თუ რაიმე წინასწარ გათვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს ამის თაობაზე შესაბამისი მიზეზების მითითებით.

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება დაუშვებელია, გარდა საქართველოს სამოქალაქო კოდექსის 398-ე მუხლით და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-20 მუხლით გათვალისწინებული შემთხვევებისა.

9.4. ხელშეკრულების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 10. მხარეთა უფლება-მოვალეობები

10.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

10.2. შემსყიდველი ვალდებულია:

10.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

10.2.2. ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;

10.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოების ღირებულება;

10.2.4. წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.

10.3. შემსყიდველს უფლება აქვს:

10.3.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;

10.3.2. განახორციელოს შესრულებული სამუშაოების ინსპექტირება და შეამოწმოს მათი შესაბამისობა საქართველოში მოქმედი სამშენებლო ნორმებისა და წესებში გათვალისწინებული ხარისხის კრიტერიუმების, ტექნიკური სპეციფიკაციების, მოქმედი სტანდარტების, სატენდერო დოკუმენტაციისა და მიმწოდებლის მიერ წარმოდგენილი სატენდერო წინადადების გათვალისწინებით;

10.3.3. ხელი მოაწეროს სამუშაოების მიღება-ჩაბარების აქტებს;

10.3.4. მიმწოდებლისაგან მოითხოვოს სამუშაოების წარმოებასთან დაკავშირებული დამატებითი ინფორმაცია და დოკუმენტაცია.

10.4. მიმწოდებელი ვალდებულია:

10.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

10.4.2. სამშენებლო ნორმებისა და წესების სრული დაცვით უზრუნველყოს სამუშაოების მაღალი ხარისხით შესრულება და მათი დამთავრება ხელშეკრულებით განსაზღვრულ ვადებში;

10.4.3. ფარული სამუშაოები აწარმოოს შემსყიდველის მიერ შესაბამისად უფლებამოსილი პირის უშუალო ზედამხედველობის ქვეშ. მიმწოდებელი ვალდებულია წინასწარ 2 (ორი) სამუშაო დღით ადრე წერილობით და/ან სიტყვიერად აცნობოს შემსყიდველს აღნიშნული სამუშაოების შესრულების თარიღის შესახებ;

10.4.4. აწარმოოს სამშენებლო მასალების და კონსტრუქციების გამოცდები, გააფორმოს საერთო და სპეციალური სამუშაოების წარმოების ურუნალები და ფარული სამუშაოების აქტები;

10.4.5. სამუშაოების შესრულების პროცესში შემსყიდველის შეტყობინების მიღებისთანავე აღმოფხვრას უხარისხოდ შესრულებული სამუშაო ან/და შეცვალოს გამოყენებული უხარისხო მასალა შემსყიდველის მხრიდან რაიმე დამატებითი დანახარჯების განწევის გარეშე;

10.4.6. სამუშაოების შესასრულებლად აუცილებელი მასალები, აღჭურვილობა და მექანიზმების მოწოდება უზრუნველყოფილი უნდა იქნას მიმწოდებლის მიერ. მიმწოდებელი პასუხისმგებელია აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების დაკარგვის ან გაუმართაობის შედეგად გამოწვეული რისკი ეკისრება მიმწოდებელს;

10.4.7. მიმწოდებელმა სამუშაოების განხორციელების პროცესში უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად;

10.4.8. ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო მოედნებზე;

10.4.9. სამუშაოების დასრულების შემდეგ საგარანტიო პერიოდის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება, რომ აღნიშნული წუნი

(ნაკლოვანებები, დეფექტი) გამოწვეულია მისი მიზეზით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით;

10.4.10. შეასრულოს სატენდერო დუკუმენტაციითა და წინამდებარე ხელშეკრულებით გათვალისწინებული სხვა ვალდებულებები.

მუხლი 11. ხელშეკრულების პირობების შეუსრულებლობა

11.1 დაუძლეველი ძალის გარდა „მიმწოდებლის“ მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები: – ხელშეკრულების თვითნებურად შეწყვეტის შემთხვევაში მიმწოდებელი გადაიხდის ხელშეკრულებით გათვალისწინებული თანხის 30%-ის ოდენობით.

11.2 ხელშეკრულებით გათვალისწინებული პირობების დაგვიანებით შესრულებისათვის ყოველ ვადაგადაცილებულ დღეზე ხელშეკრულების ჯამური ღირებულების 0.1%-ის ოდენობით.

11.3 იმ შემთხვევაში თუ საჯარიმო სანქციების ჯამური თანხა გადააჭარბებს ხელშეკრულების ღირებულების 2%-ს, „შემსყიდველს“ უფლება აქვს შეწყვიტოს ხელშეკრულება;

11.4 ამ ხელშეკრულების 12.3 და 12.7.1 მუხლის მოთხოვნათა შესაბამისად, ხელშეკრულების სრული ან მისი ცალკეული პირობის მოქმედების შეწყვეტის შემთხვევაში, მხარეს რომელმაც არ შეასრულა ხელშეკრულებით ნაკისრი ვალდებულება დაეკისრება პირგასამტეხლო ხელშეკრულებით გათვალისწინებული თანხის 30%-ის ოდენობით მეორე მხარის სასარგებლოდ.

11.5 ხელშეკრულების პირობების შეუსრულებლობისათვის, „მიმწოდებელი“-ს დაჯარიმების შემთხვევაში, „შემსყიდველი“ ითვებს უფლებას ფაქტიურად განეული მომსახურების ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არასაგადასახადო ანგარიშსწორების ერთიან ანგარიშზე სახელმწიფო ხაზინაში.

11.6 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისადმი.

11.7 ხელშეკრულების შეწყვეტა მისი პირობების შეუსრულებლობის გამო:

11.7.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

11.7.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიენოღოს მეორე მხარეს დაუყოვნებლივ.

11.7.3 ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისათვის გათვალისწინებული პასუხისმგებლობისაგან.

მუხლი 12. დაუძლეველი ძალა

12.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან.

12.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 13. სადავო საკითხების გადაწყვეტა

13.1. წამოჭრილი დავები შესაძლებელია გადაწყვეტილ იქნას ერთობლივი მოლაპარაკების საფუძველზე.

13.2. თუ შემსყიდველი და მიმწოდებელი მოლაპარაკების დაწყებიდან 10 (ათი) დღის განმავლობაში ვერ მიაღწევნ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

მუხლი 14. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის დღიდან და 30 დღით აღემატება სამუშაოს შესრულების ვადას.

შემსყიდველი:

მიმწოდებელი:

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

ხელმოწერა და ბეჭედი (ბეჭდის არსებობის შემთხვევაში) -----

სატენდერო დოკუმენტაციის დანართი #4						
N	ხელშეკრულების გაფორმების თარიღი	ხელშეკრულების ნომერი	სამუშაოების დასახელება	შემსყიდველის დასახელება	ხელშეკრულების ღირებულება	ხელშეკრულების მიხედვით ჩაბარებული სამუშაოების (მიღება ჩაბარების აქტის) ღირებულება
1						
2						
3						
4						
5						
6						

ხელმოწერა და ბეჭედი (ბეჭდის არსებობის შემთხვევაში) -----